



830997

退補齋詩存目錄

卷四

古體詩

咸豐乙卯北上三十里舖阻雨

游天甯寺小飲

龍爪槐醉飲

感恩紀事

讀家書有感

行路難

清江聞杭嘉克復喜而有作

贈陳馭軒明府

出門示兒曹

退補齋詩存目錄卷四

一 退補齋藏板

得先叔春圃公遺骸喜痛交并長句紀事

小宋方伯以三月三日次杜工部麗人行原韻索

和走筆應之并東竹莊廉訪

次李恕皆觀察赴皖南任留別原韻

竹莊廉訪以東坡饋歲詩三首見示并索和章走

筆應之兼東小宋方伯

黃鶴樓招飲

送熊東美比部北上

王仲珊茂才以詩見贈奉和却寄

游長春觀

燈檠歌



退補齋詩存卷四

古體詩

永康胡鳳丹月樵

咸豐乙卯北上三十里鋪阻雨

風飄飄雨瀟瀟有客有客魂欲銷泥滑澆橋兀跪有車  
有車輪欲脫今朝登石徑明朝歷水隈東道之難難於  
蜀道攀崔嵬我行不得聊復止閉門聽雨茅廬裏茅廬  
清冷不成眠鄉思萬縷紛難理吁嗟乎上有白頭親  
年倏忽逾六旬下有黃口兒兒耽嬉戲成嬌癡怪我思  
息事羈旅奉親教子兩無補濟世未垂竹帛名承歡空  
憶蘭陔譜白頭黃口話深宵念我天涯無伴侶雨聲滴  
碎思鄉心不覺燈前淚如雨

游天甯寺小飲

退補齋詩存卷四

一 退補齋藏板

段鏡湖

光清

廉訪由浙入覲行有日矣邀同袁

筍陔閣學

希祖

何小宋給諫環

錢萍石宗丞寶

青胡硯生太史

壽椿

游天甯寺

東風吹醉游人面游絲晴晷鞭絲顫馬蹄忙逐蝴蝶飛  
看花一路來僧院我客燕臺春復秋雖仕猶隱身如鷗  
十丈緇塵澆衣素往來談笑驕王侯王侯門第高無價

晨夕與居得休暇酒龍詩虎相招邀佳客句留晝繼夜  
器度端推段希逸吏治本從經術出青天上達九重

知親承

溫詔褒良弼

段廉訪宰鄞縣時有青天之目召見六次荷蒙天語垂

詢山中高卧稱袁安一朝翔步登金鑾筆底光芒照萬  
丈詩宗李杜文蘇韓仙姿更有何水部手種梅花月三  
五倚馬日試千萬言風流合作騷壇主少年科第錢象  
先紆青佩紫宮袍鮮贊襄樞務十餘載自期勳業圖凌  
煙西江別有安定喬木本水源幸勿替後輩都稱老神  
仙一官匏繫何阻滯富貴浮雲定自天離合悲歡亦偶

退補齋詩存卷四

二

退補齋藏板

然彈指光陰似流水天涯芳草年復年  
搗來舊雨兼新雨道義論交傾肺腑  
獨我牢愁百不堪酒酣拔劍為君舞  
為君舞送君行繡衣持斧人爭迎  
錢塘江上海潮沸攬轡再到期澄清

龍爪槐醉飲

袁筍陔

希祖

陸梅生

東樞

胡硯生

壽椿

諸君游

南下窪龍爪槐醉飲次杜工部麗人行韻

三月三日天氣新風和日暖薰游人一花一柳描難真  
流鶯百轉聲圓勻呼朋出郭嬉暮春酒浮綠螳脯擘麟

先來袁景倩瑤琴一曲吹絳唇

善琴

後來陸劍南醉飲

沈酣花繞身

善飲

更有安定吾宗親

謂胡珉生太史

氣味醇古

追漢秦盟心誓吸西江水一滴楊枝甦酒鱗富貴浮雲

我何有且談風月拋經綸羣公仙骨清無塵重價高於

席上珍文筆高華妙入神指引迷途爭問津及時行樂

酒千巡鳥為好友花為茵晴光淡蕩風吹蘋蝴蝶尋香

香滿巾醉歸手扶劉伯倫貪酌無量休我嗔

### 感恩紀事

庚申八月京師戒嚴周

芝臺賈筠堂

兩相國陳

退補齋詩存卷四

三

退補齋藏板

子鶴趙蓉舫

兩尚書出屯外城奏帶部員十六

人鳳丹與馬役竣蒙

恩賞加知府銜恭紀

十萬黃巾揭竿起中原滿地生荆杞內患未除外患生

津門忽報夷船駛八月八日海水飛日光慘淡晴無輝

倉卒徵兵衛畿輔登城徧插螭旗相國同心戀

丹闕力重千鈞繫一髮太宰司寇皆重臣耿耿元精貫

日月四傑齊名棟梁材房謀杜斷龍韜該

謂周賈兩相國陳子鶴太

宰趙蓉舫司寇為外城辦事大臣

戶兵刑工各執事

奏派四部司惟我員各辦各事

濫竽稱不才羽書火檄馳旁午司農仰屋嗟無補蠢茲

小醜狂跳梁勿勝為笑勝不武天心厭亂銷戈兵夷酋  
悔罪爭輸誠 天子聖明不耀武四海一家同太平  
不戰而威握勝算 詔許通商大號渙遂教山海來  
梯航從此生靈免塗炭 天顏有喜班師旋大開高  
閣圖凌煙新進頭銜二千石涓埃未報兢冰淵

讀家書誌感

咸豐辛酉十一月讀罷家書聲嗚咽梓鄉一別成滄桑  
逆賊蜂屯來西粵粵賊如虎兵如羊裏糧坐甲心皇皇  
未戰先逃為上策縱橫當道皆豺狼連年烽火警風鶴

退補齋詩存卷四

四

退補齋  
藏板

金華郡小無堅郭幸留兩邑

永康武義

稱安全皮之不存毛

安託戊午八年八月秋天地變色風雲愁永康百里羽

書急新鬼故鬼鳴啾啾今年五月日十八賊匪初來不

嗜殺一朝蛇豕恣吞食可憐原野塗膏血二三百村一

炬焚四五百人淪楚氛讀聖賢書守節義嗚呼天竟喪

斯文

時殉難者皆庠序中人

吾邑僻處深山裏入坎出坎差可喜

詎料秋成又薦飢驚魂未定呼庚癸太息兵凶兼歲荒

焦頭爛額入斷腸何幸成城堅衆志補牢猶可追亡羊

邑城被陷自五月至九月克復

守土者誰克稱職兵燹而後頗靜謐請

旌請卹勸作忠保障城池勿再失慨念慈親逾古稀侍  
養晨昏心已違三千里外安無恙何時歸報三春暉上  
有三兄下三弟惟我一人客京邸卻喜仲氏張一軍痛  
掃殘氛如雨洗鳳鳴統帶台  
勇屢戰皆克

行路難

癸亥秋挈眷出都將抵清江為南風所阻停泊  
宿遷幸不與敗軍相值

人生事事天安排禍福倚伏誰能猜天公有意南風阻  
途多荆棘心徘徊賊氛近皖復逼豫鼙鼓動地聲如雷

退補齋詩存卷四

五

退補齋  
藏板

月之十二日孟河全軍摧礮船九十六殘魄歸泉臺步  
兵騎兵如雲集調赴孟河干戈執詎料援軍風馬牛噉  
噉哀雁聲嗚咽飛檄乃復來清江調兵秣馬何倉皇干  
夫校百夫長大隊絡繹孟河往州縣苦賊復苦兵兵未  
出境心悵惘陸行索馬水索舟咆哮將士來江頭馬不  
可得舟亦少賈舶洶洶恣旁搜兵如虎狼客如鼠兵氣  
驕橫客無語登舟頃刻挂帆行東西南北誰敢拒彼蒼  
私我南風吹遲我三日到江許我舟竟作漏網魚自在  
中流任容與始嘆行止非人謀蓬底詩成傾綠醕

清江聞杭嘉克復喜而有作

客帆乍卸清江浦沈子見我色飛舞

紹興沈子雲

捷音昨日

紅旗飛二城收復完樓櫓我聞故人語喜從天上來  
喜心翻倒極俯仰有餘哀旋南攜眷屬妻妾兼嬰孩  
險過弱水患沈溺難於蜀道登崔嵬山村水驛三千  
里辛苦備嘗心膽摧縱使故鄉寇氛淨田廬竊恐生  
蒿萊浙中名勝無不有世變滄桑存與否故人慰我  
客中愁開樽醉以餘杭酒

贈陳馭軒

富遠

明府

江西人宰永康二年

退補齋詩存卷四

六

退補齋藏板

咸豐辛酉粵賊至狼奔豕突恣吞噬官兵畏葸紛逃亡  
賊勢縱橫誰能制咸陽一炬嗟延燒巢無完卵家漂搖  
死者屠腸復碎首生者額爛兼頭焦同治紀元賊卻走  
哀雁嗷嗷誰引咎兵荒之後疫繼之天災流行到處有  
今之令尹昔子文下車敷政絲無棼但願年豐無饑饉  
催科政拙原非病退食常懷三字箴銘心惟有清勤慎  
減糧薄賦甦民生草木欣欣枯者榮拊循瘡痍慰父老  
祇求實惠不求名吁嗟君縱不求名循吏之名誰與爭

出門示兒曹



兒來前筆為鋤耒硯為田兒在家先事詩書後桑麻我  
祖我父重耕讀勤儉持家衣食足遺經堂上留餘馨世  
世青衿綿似續憶余昔赴京都時一肩行李無人知匹  
馬單身走東道險阻艱難備嘗之荏苒京華數晨夕與  
道為隣仁為宅頻年清俸絀難支苦守兵曹室生白厯  
任風霜經十年 朝班日覲 九重天涓埃未報  
披豕服臣心如水兢冰淵痛我奉諱始回里堂上萱花  
今已矣晨昏溫清忝所生母兮有子如無子吁嗟乎人  
生移孝能作忠忠未及盡親已終想像慈闈不復見百

退補齋詩存卷四

七

退補齋  
藏板

身莫贖悲何窮一庭棟莠開七葉壘吹簾和聲聲協誰  
知叔季罹寇災為國捐軀遭浩劫爾伯叔姑五人存自  
遭烽火分戶門家務未諳問長者莫學欬袴忘卑尊爾  
弟同胞年猶少慎勿嬉游恣談笑讀聖賢書志遠大實  
學豈為名譽釣我今遠赴江南北千鈞重任肩難息兒  
兮兒兮聽我歌耕讀傳家紹祖德

得先叔春圃公遺骸喜痛交并長句紀事

十年烽火燭天紫荒荒浩劫悲生死吾家骨肉更流離  
後先殉難埋荆杞扁舟昨日來南陵滿目寒煙踏殘壘

季父遺骸何處尋了無碑碣題姓氏魂兮魂兮竟不歸  
臨風涕泗悲難已誰知遺愛猶在人往事士民芬挂齒  
長林蔓草爭攜鋤兄率其弟父詔子途遇老嫗知最詳  
為指荒祠左偏是陳氏宗祠被賊拆燬我履其地啟攢宮俄見白  
骨顙有泚當年殉葬牟尼珠土中忽現色未燬區區一  
物重千金真偽攸分心竊喜無數國殤骨不歸公能歸  
骨何憾矣

小宋方伯以三月三日次杜工部麗人行原韻索  
和走筆應之并柬竹莊廉訪

退補齋詩存卷四

八  
退補齋  
藏板

三月三日天氣新風光澹宕娛詩人謫仙喜遇賀季真  
手揮花管五色勻曲高寡和如陽春同時鳴游鳳與麟  
我愛何大山吟久紅薇飛現唇我愛吳季重咳唾珠玉  
花繞身更有靈光杖履親文章老手追先秦謂何雲咳丈我

從皖公山之麓倏然出水如游鱗小住昔年記流寓朋  
簪今此何紛綸清風高韻無點塵名世同推希世珍讀  
書萬卷筆有神問途為我導迷津繩趨尺步身遂巡春  
花如繡草如茵一池綠水涵青蘋瀝酒欲脫淵明巾不  
羨金谷石季倫醉眠惟恐花鳥嗔

次李恕皆觀察赴皖南任留別原韻

九月重陽前一日吳竹莊廉訪自章江來皖余  
病未痊嗣因竹莊抵蕪湖引陶詩但恨多謬誤  
君當恕醉人二語寓書同人恕皆觀察以此十  
字為韻首唱五古十首何方伯陳觀察和之冬  
月恕皆調署皖南道篆行有日矣余作送行詩  
卽步原韻奉答

世運際中興麟鳳育胎卵上下慶交孚臣鄰輸悃款神  
仙李鄴侯迴異林泉伴一見如舊交歡然心意滿先風

退補齋詩存卷四

九

退補齋藏板

靈月懷令人祛妄誕我昨嬰二豎饋問未嘗斷旁觀為  
我危言此證頗罕何處覓良醫江右有秦緩倘無知己  
知我生病豈但八月初旬染病甚重恕翁朝夕來寓延請江西喻采菴明府治之

知己不易逢得一可無恨感深鮑叔知愧讀管仲論我  
才之與君什伯比千萬綺年黃甲登名齊荀士遜咫尺  
蓬萊峯進尺而退寸騏驥上太行仰鳴忽俯噴君獨囂  
囂然持躬泯尤怨款段還故山文章書驢券束帛來爰  
爰未許邱園遜十九歲登進士朝考以知縣用請假回籍  
邱園世何補不戀詩酒窠干戈值擾攘猛將思伏波殺

賊作露布豈效牆壁呵劍光隱龍雀陣法習鶴鵝團練  
衛桑梓經濟已云多衆女工謠詠醉尉遭譴訶君也見  
機明方軌怒濤過始作入山隱又作出山歌驅車赴京  
華離家奈遠何

君回里後大吏請辦團防堵禦回  
匪忽流言四起遂辭紳董北上

家山不易居京華猶可留避難萬里行山靈當見宥願  
捧毛義檄甯辭督郵候生民恃保障不在掇甲冑遼東  
古名疆俗樸少戰鬪經術飾吏治窮年尚殫究割雞用  
牛刀戲耳語非謬學道則愛人內省原無疚一片慈祥  
心不分薄與厚

揀發奉天知縣歷署海  
城新民各邑政聲卓著

退補齋詩存卷四

十

退補齋  
藏板

君心本慈祥君才推獨步姓名達

九重循吏薦非

誤曾相國保薦於  
朝奉命調皖

清風晉胡威直聲漢長孺攬勝燕昭

臺弔古望諸墓誰知渡江來荆棘生滿路銚鹿東西馳  
翦臬士卒戍聞道使君賢閱歷通世故寅僚見之嘆使  
君來何暮有懷皆欲白無不抒平素

平素有奇氣談笑却千軍江南滿烽燧高壘起風雲蒙  
毫多伏莽賴君芟剔勤王師忽雨降遂殲狐兔羣鴻雁  
哀嗷嗷由此歸鄉扮瘡痍手摩撫德政遐邇聞一麾來  
賴水草木亦欣欣兒童竹馬迎望歲如使君父老扶杖

觀社酒春風醺署亳州知州升補潁州太守

父老競攀轅不得見常常使君善治獄覆盆照太陽使君衣繡衣喜奉北堂觴何以慰色笑平反日皇皇我來

初識君美酒傾鵝黃登堂為母壽臺階屢翺翔君母真

雋母不疑君克當何復移皖南亦不已於行君疊歌驪

駒我難賦河梁由潁州守簡放廬鳳道奏署臬司余抵皖時適伯母八旬大壽

河梁餞君行徘徊不忍去新知如舊交德飽勝膏飫此

別見幾時明年在何處宦轍類轉蓬不可執冰語古來

經緯畧立事先以豫共誦衛公才先借張良箸運籌與

退補齋詩存卷四

十一

退補齋藏板

備邊知君有遠慮宣歙本大都兼得江山助當今誰輩

行行徵張惠怒時將赴皖南道任仍駐紮蕪湖

行輩亦多才此邦各位置傳經馬學士俟命惟居易栽

培桃李多所譽嘗有試謂馬雨農學使何遜我故人八皖屏藩

寄風骨高峻嶒顯列非忝廁謂何小宋方伯龍川宋大儒不為

利名累文章擅雄豪著書不遑寐謂陳心泉觀察桓桓王將軍

戰功屢優賜交友如醇膠不飲令人醉謂王峯臣軍門

醉吟慕太白文章不染塵下筆風雨快出新每推陳讀

君疊韻詩語語皆率真能使山水活不令花鳥瞋贈言

一何擊魂銷離別人森森歲寒柏濟濟旱麓榛度量涵  
淵海福祿自駢臻君轡不可挽余懷鬱未伸何時重翦  
燭論文誨諄諄

竹莊廉訪以和東坡饋歲詩三首見示并索和章  
走筆應之兼柬小宋方伯

几席陳肴核聊為杯盤佐異客在異鄉所居無竒貨贈  
我歲朝圖酒樽五斗大花果閒園蔬更有瘦羊卧庭實  
亦稱是披圖列飭座良友鴛鴦鳴閱時旋蟻磨道遙世  
外遊得過吾且過辛苦備嘗之今請甘受和饋歲

退補齋詩存卷四

十三

退補齋  
藏板

無事此靜坐翻覺冬日遲趣味淡彌永餘懽欣相追憶  
自孟陽夏我來皖水涯故人何水部貧如京洛時

謂小宋方

伯裘馬與我共裘敝馬不肥我年逾四十恐貽老大悲  
歲月堂堂去去亦不我辭來歲當努力與君俱未衰

歲

似官還似客如畫添足蛇舊雨復新雨日日相邀遮欲  
去且少住歲其如我何家家聞爆竹兒童聲笑譁我獨  
卷書坐靜聽衙鼓過今夕是何夕春星簷角斜歲去不  
我與自悔多蹉跎祭詩還獨醉清閒向君誇

守歲

黃鶴樓赴飲

丙寅八月五日涼風微扇江水不波牟皓升嗣

龍陳仲耦建侯兩太守招飲黃鶴樓之具美堂

李玉階明揮何芷舫維鍵楊笠生儷珍三觀察

均在座王夢崧熙細觀察因疾不至即席賦贈

同人

我如倦鶴遊天末一飲一啄討生活我本野鶴性未馴  
翱翔江漢秋復春牟陳二公招鶴侶引我黃鶴樓頭看  
鶴舞黃鶴一去幾千年賸有危樓矗江渚主人款客開

退補齋詩存卷四

十三

退補齋藏板

瓊筵鳳髓麟脂玉液泉一杯一杯互酬勸高談幽賞娛

羣賢謫仙才調冠千古萬丈文光誰與伍衡湘自昔為

屏藩鶴有餘糧實天庾李玉階由湖南糧道晉署藩司維揚何遜鶴丰

姿水部改為農部司今日持籌奠全楚挽粟飛芻裕度

支何芷舫由戶部改官楚北現辦軍需局務吏部文章中郎隸淵源本出子

雲系清白傳家守四知與我同舟期共濟楊笠生工詩善練王

子養鶴緱山隈籠中枯坐招不來餐粟不肥偏善病同

羣望鶴心徘徊謂王夢崧吁嗟乎羣鶴迴翔不常住一舉沖

霄來復去當年黃鶴樓中棲問鶴於今在何處斯樓浩

劫罹紅羊鶴不歸來樓亦荒世變滄桑百感集疑有老  
鶴華表翔羣公仙骨如鶴清我不能飛復不鳴安得一  
琴一鶴相與和聲競鳴盛但聞絃歌比戶不聞風鶴聲

送熊東美

有筠

比部北上

西江之水章貢分西江之士秀而文文心如水清澈底  
中有神物噓風雲竭來鄂渚遇熊子腹笥便便富經史  
文山文章疊山詩步武前賢能繼起橫河橋畔初班荆  
欣然一見如平生咄咄神童世無敵據案作書筆有聲  
彈指光陰二十載各各頭顱成老態從來大器多晚成

退補齋詩存卷四

十四

退補齋  
藏板

下風低首常心佩博官不學干祿人錦心繡口金玉身  
讀書萬卷挾精奧下筆千言窺性真英氣逼人不可遏  
如錐處囊穎必脫莫因蠖屈學時妝好守君家舊衣鉢  
高軒過我經旬留縱談往事心相投好開三徑延益友  
何須萬戶誇封侯吁嗟乎儒冠誤人滯一第黃金耗盡  
貂裘敝狂來欲問天蒼蒼搔首臨風共揮涕茫茫塵世  
誰為歡富貴聊作浮雲看賴有文光射牛斗獨將隻手  
迴狂瀾如我樗材本落拓殘軀苦為一官縛馬齒徒增  
老大悲縱有良醫難救藥人生貴在心相知相知相勉



兼相期斯世豈無伯樂者會看騏驎風雲馳

王仲珊樹之茂才以詩見贈奉和却寄

衡門寂寞樓高人讀書養氣秋復春  
蠖屈未登玉皇案坐對青燈不厭貧  
一枝文筆聲鳴鳳兒曹受業伯與仲  
大兒宗廉次兒宗彥受業門下主人自愧非陳蕃  
下榻却邀徐穉重人生患無知己知  
頻年羈縻心含悲轉瞬秋風綻金粟  
唾手高折蟾宮枝

### 游長春觀

二月七日朱淡如慰曾太守招飲於長春觀邀

退補齋詩存卷四

五 退補齋藏板

同楊笠生何芷舫兩觀察陳仲耦太守

人生行樂須及時千金莫放駒光馳  
百年聚會曾有幾良辰況值春遲遲  
春日遲遲太守宴太守者誰紫陽彥  
招邀同出城東門看花直到長春院  
院中長老方山中不知塵世秋復春  
自是君身有仙骨三生石上參前因  
初逢揖我升堂坐黃庭一卷聞清課  
少閒引我登樓觀四圍錦繡花成團  
梵宇初成美輪奐費盡緡錢十萬貫  
踏青士女紛如雲頂禮焚香玉皇案  
巍巍東嶽開行宮長春觀東新  
修東嶽廟 引入勝西復東五步一  
停十步憩游絲

裊裊颺晴空長日如年天未午盧後王前行接武主人  
款客開瓊筵花香酒香沁肺腑吁嗟人壽能幾何一年  
佳日春秋多會待西風放叢桂攜壺同醉花婆娑

燈檠歌

焚膏繼晷攜燈檠寸光照徹三更清獵獵西風裂窗紙  
隔牆紡織諧吟聲銅盤燼落衣袂冷凍月一縷窺簾旌  
遊子辭家往何處放眼茫茫無伴侶祇愁身老名未成  
知己空懷孔文舉夜闌獨坐燈花紅高吟達旦日生東  
忽然彩筆落吾手萬丈光芒耀星斗兒時書味問誰知  
猶憶長宵照窗牖

退補齋詩存卷四

十六

退補齋  
藏板

退補齋詩存目錄

卷五

古體詩

苦蚊不寐

憶舊遊行和胡稚楓太守原韻卻寄

午日有感贈白英 生平

有感 重有感

答論名 自足

不自足 水仙蘭

退補齋詩存目錄卷五

退補齋藏板

重修黃鶴樓落成誌喜東黃虎卿都轉

庚午元旦 鄂城懷古

玉卣歌 感遇

贈朱荻舫刺史

題張海門學使躬厚堂詩集

畫石歌

題金子梅都轉遺照兼以誌哀

自題紫藤仙館圖

退補齋詩存卷五

古體詩

永康胡鳳丹月樵

苦蚊不寐

戊辰夏天氣炎熱蚊市如雷賦此誌感

黃昏月黑蚊鳴如雷如市成須臾附熱逐羶有如此  
晝伏夜動胡為乎此物或云鬼母化逢人便啖甘如蔗  
呼童進扇勤驅除執而得之殺無赦一蚊遠向紗窗鳴  
未見其影先聞聲一蚊忽忽來枕畔攪人清夢夜將半  
猛然一蚊飢附人茹毛飲血紅沾唇飄然一蚊飽颺去

退補齋詩存卷五

一

退補齋  
藏板

欲倩麻姑搔癢處蚊之性兮頑而貪苟延殘喘雄耽耽  
蚊之形兮毒而小誰與偶者蟣蟲蚤蚊之質兮輕如絲  
羣陰構難孤陽危蚊之喙兮利如劍黑夜噬人數無算  
蠢茲小醜嗟么麼災生切近憂心多願假孟子王齊手  
功成反掌殲羣醜

憶遊行和胡稚楓太守原韻卻寄

樓上仙人第一流仙人一去何人遊黃鶴不來玉笛咽  
吹落梅花春復秋山色江聲滿一縣濃如潑黛淨如練  
我來不是晉唐年手持斗酒招青蓮青蓮擱筆已千載

高樓灰燼埋荒煙江東雲渭北樹雙鯉迢迢渺何處芳草天涯客不歸靈光古殿人誰賦郢中自昔鍾靈傑况復君才超往哲曹倉鄴架勤搜羅宋豔班香恣采擷我媿巴人君白雪月旦當年互評閱同時健者推延陵今擁節旄昔陳臬詩牌酒盞相招邀如漆投膠磁引鐵竹

莊中丞前任安徽臬司時余與君先後遊皖詩酒往還無虛日

別君容易見君難項斯到處逢人說君不見往古來今盛名下能雪虛聲蓋亦寡豈無遊說傲王侯那有勲名震朝野江左夷吾天下才一琴一鶴翩然來來暮紛紛留皖山麓去思遠繫姑蘇

退補齋詩存卷五

二

退補齋藏板

臺

君初官江蘇今留皖省

老驥雄心日千里好憑肝膽酬知己冰

銜皎映冰心清吏才詩才擅兩美蒼茫吳水闊縹緲楚山平一夜相思白髮生贈我新詩照眼明何以報之瓊瑤輕樓成寄語南飛鶴

黃鶴樓現巴鳩工

何日歸話平生情

午日有感贈白英

滿城風雨江聲涼端陽風景如重陽黃鶴樓頭望鄉國午潮一白通錢塘錢塘昔別泛萍梗雖仕猶隱身如癭不飛不鳴逾三年畫虎不成類畫餅論交卻喜多名流詩牌酒盞相留故人復得兩水部

謂白英與小宋方伯

如膠與

漆情尤投駒光過隙駛如箭卻暑家家握團扇手牽五色續命絲作嫁為人壓金線壓線年年徒自傷世無青眼空熱腸仰天搔首三嘆息江水滔滔日月長富貴浮雲我何有不如及時行樂傾蒲觴

生平

平生嘆蹉跎年華將半百時乎不再來駒光如過隙少

小識之無得受祖訓益

余週齡時隨先祖母之側及四歲先祖教以識字隨侍者二十

年及長讀詩書光陰分寸惜教孝復教忠服膺矢無數

隨侍廿五年一旦幽明隔家無十頃田堂有遺經額先

退補齋詩存卷五

三

退補齋藏板

自建一室題其額曰遺經堂

安定箕裘長世德傳清白三十走京華

在官如作客逆蹤方鷓鴣張持籌無善策樞曹愧素餐軍

書發旦夕長安不易居十年餽粥迫家人嫌我窮宦途

笑我窄花鳥嗔我癡書畫嗤我癖我有萬古心方寸堅

金石我有千愁腸往來注熱血湖海任遨遊所交皆莫

逆友死無所歸大義於我責我本萍浮人中心胡不憚

事業一無成寸衷徒脈脈年來近知非不為富貴役富

貴如浮雲斯言再三繹

有感

莫高者匪山山高亦崩裂莫堅者匪鐵鐵堅有時折胡  
為干祿人僕僕心彌熱徒博大吏歡上考薦章列不辭  
催科勞撫字心益拙挖肉而補瘡那識民膏血更有賄  
賂行存心何詭譎豈不飲廉泉早種孽海孽一旦身名  
墮全車皆覆轍鸚鵡縱不言檐端聽百舌當局多昏迷  
旁觀嘖嘖說我聞在山泉源清流自潔慎勿污濁流保  
身稱明哲

重有感

莫羨金谷園繁華今在否莫羨嚴道山幾多餘身後蚩

退補齋詩存卷五

四

退補齋  
藏板

蚩世間氓東西南北走利令智者昏壟斷爭勝負所嗜  
甘如飴到處成利藪見得不思義日與小人偶黃金千  
百觔權在他人手不計盈與虧不權子與母幾多負心  
人薄者給以厚金多如土揮猥曰吾所有一朝困轉輸  
往來皆掣肘不怨經理疎翻嫌命運醜待到磬懸時纍  
纍喪家狗貪為貧之根沒世不自咎富兮不可求聖言  
垂不朽胡為嗜利人紛紛如醉酒

答論名

士生三代上恐存好名情士生三代下惟恐不好名悠

悠斯世人利重名則輕未知名所在百事一無成美名  
當愛惜如比華衰榮大名垂宇宙寶貴如瑤瓊莫學盜  
名士動輒務虛聲更莫絆名縉捷徑徒營營緬懷古聖  
賢萬世莫與爭不知亦不愠祇求執德宏盛名本難副  
器滿則易傾實至名自歸輿論有公評

自足

出身一青衿頭銜今三品問曰客何能此心殊懍懍回  
憶少壯時讀書求精審一刻珍千金晝夜不敢寢胡為  
俗慮紛問心愧愚蠢束閣羣書多欲求政事敏十年官

退補齋詩存卷五

五

退補齋  
藏板

樞曹都為名路引尸位羞素餐章身忝榮錦人心如炭  
熱我心如冰冷家有兩頃田秋成報豐稔居有一椽屋  
雨多漏不瀋架有萬卷書半生讀難盡園有千枝花三  
秋葉未隕更有妻與妾飲食能烹飪亦有兒與孫教誨  
資繩準兄弟有七人胸懷無畦畛知已有二三規勸皆  
相諭雖築債臺高莫嫌日用窘譬比磬懸人旁觀誰憐  
憫顏子樂一瓢張公書百忍我今自衡量得此已幸甚  
勿為名利求樓臺笑幻蜃請看蚌鷓爭徒被漁翁晒

不自足



事君求盡忠自恨才識淺事親求盡孝自悔父母遠兄弟各分離和氣恐乖舛朋友規勸多有益而無損夫婦敬如賓惟慮失柔婉兒童好嬉游祇恐成材鮮倫常足難言一日腸九轉更有慎獨功返身須黽勉學海深難量未破書萬卷心地本清明惟畏塵污染有足有不足存心當分辦不足莫自足立志須開展我今四十餘作事殊敷衍大禹不矜能顏子無伐善器歌則戒盈物滿覆難反三復銘座右斯言何懇懇

水仙蘭

退補齋詩存卷五

六

退補齋  
藏板

七月望後三日齋中素蘭盛開忽見兩穗如水  
仙瓣者為花中百不一見率爾賦之

君不見紅蓮稻生臨水香蓮兮稻兮爭芬芳又不見夾  
竹桃開千萬枝是桃是竹費尋思竭來小園香風度階  
畔幽蘭生縞素素色素心亦何奇婀娜早被美人妒美  
人不來花不採為有凌波仙子在我聞羅襪香生塵不  
與羣葩鬪蓓蕾似蘭非蘭揣想多同心何幸來湘娥冰  
雪為肌玉為骨亭亭素影相婆娑一產湘江一洛水鉛  
華淨洗清無滓清風明月捲簾時遮莫前身姑射是我

昔耳聞猶懷猜今及見之心為開一朵瓊英圓而潔更  
兼並蒂珠含胎花不能言羞自獻沈埋恐惹離騷怨一  
種幽香秋復春願花長伴吟身健

重修黃鶴樓落成誌喜東黃虎卿昌輔都轉

同治己巳三月春江天一覽樓重新玉笛仙人渺何處  
餘音髣髴吹紅塵塵世茫茫鮮樂土十載兵戎急鼙鼓  
猿鳥沙蟲天地愁豈徒楚國生民苦生民蚩蚩無所歸  
不如黃鶴雲中飛黃鶴一去去不返登樓空悵斜陽暉  
樓宇巍巍江淼淼十萬紅巾恣紛擾如畫江城一炬焦

退補齋詩存卷五

七

退補齋  
藏板

劫火燒天徹昏曉太息斯樓灰燼餘桑田滄海成須臾  
城郭人民已非昔鶴來華表聲長吁吁嗟乎陰慘陽舒  
本天道亂後山河成再造隔江春色晴川多閣成還比  
樓成早晴川閣於前  
數載告成樓下長江樓外山風光無恙重躋

攀五月梅花落不盡留與仙棗爭紅殷仙棗梅花伴朝  
暮黃鶴乘雲倘返顧一飛千載倦知還歸來歸來故樓  
住故樓赫輦開新模闌干屈曲梯盤紆西顧氣吞雲夢  
澤南來水吸洞庭湖八十尺高拔地起上接雲霄去天  
咫尺材全仗初平功黃虎卿都  
轉督辦畫拱雕甍鬪金紫我適

萍浮來楚邦江漢雙流聲淙淙願祝千秋萬世不聞風  
鶴警手招太白重與賡新腔

庚午元旦

春王正月天降康先春五日占時暘初五日立春去年元旦

迓甘雨今年元旦開三陽一年一度春光好每逢春至

勞思鄉朝飲椒花酒暮焚柏子香梅柳渡江漏消息嬉

遊春社娛春光今在異鄉為異客萍浮五載驚星霜雞

鳴膠膠夜將半朝衣檢點翻巾箱萬壽宮前鷓鴣

集嵩呼華祝勤趨禮畢退班賀新歲羞同傀儡忙登

退補齋詩存卷五

八

退補齋藏板

場何年歸去友麋鹿閒招父老談農桑

和彭漁叟元旦七古卽次其韻

我來鄂渚瞻靈光童顏鶴髮身康強曾簪花筆侍君王

曾樹棠陰披繡裳道光乙未翰林散館授雲南知縣官至迤東道飄然解組辭

金閭楚江水碧楚山蒼白駒皎皎無所望書田菽粟耕

毋荒怡老宏開綠野堂新構寓廬於後府街之西修整宏潔為娛老計濟人徧

給千金方君命令嗣器之列黃氏醫書并弁以序徧送同人彭鏗八百春秋長

綿綿似續椒蕃昌從君索飲飛霞觴高談雄辯言之詳

風流不讓賀知章才識高於宋世良北史宋世良才識間明尤善政術強

學好屬文染翰林瀉榻硬黃文章五色書吉祥婆婆娑此老壽  
而臧階前蘭桂森芬芳從來積善有餘慶及時行樂榮  
珂鄉

### 鄂城懷古

武昌城上風雲愁武昌城外波濤浮江流到此束不住  
落盡梅花春復秋西望漢陽杳無極飛來鸚鵡鳴荒洲  
鸚鵡洲荒人物渺抗懷古昔談名流年少周郎握奇策  
東風一炬焚千艘千古英雄浪淘盡生子誰如孫仲謀  
三分割據今已矣銅琶鐵板翻清謳作鎮者誰陶太尉

退補齋詩存卷五

九

退補齋  
藏板

終朝運甃勤宣猷庾公觴詠興不淺一輪明月邀南樓  
鄂王宮殿忽灰燼滿山風雨寒松楸吁嗟乎閱世生人  
人成世寄身天地同沙鷗古往今來百感集茫茫棋局  
何時收百戰河山幸無恙江城如畫供嬉游吟成有興  
乘黃鶴仙乎仙乎歸來不

### 玉卣歌

同治六年冬江夏彭漁叟新遷寓廬得玉卣自  
地中出卣上有銘曰樂大司徒子象之子宏作  
旅卣其眉壽子子孫孫永寶用下有釋文皆草

書也背後隸書三十九字其文曰周官有天地  
四時之職是為上卿惟大司徒實掌地事曰樂  
大司徒則樂者姓氏也宋戴公四世之孫云云  
漁翁搦玉卣銘詞徧徵題詠作長歌紀之

君不見河出馬圖浴出書國家祥瑞鐘扶輿又不見山  
出醴泉郊出鳳盛世休徵播雅頌丁卯仲冬丁巳日江  
夏彭氏玉卣出鬼神呵護年復年一朝得之如拱璧玉  
人雕琢樸而華潤澤豐美瑜無瑕雙虬盤繞鮮鱗甲象  
形非龍亦非蛇銘詞吉祥頌止止二十二字最完美下

退補齋詩存卷五

十

退補齋  
藏板

有釋文精且詳如數家珍誌緣起卣背隸書四五行筆  
勢道勁韜鋒銳宋大司徒樂其姓戴公四世孫所藏摩  
挲此卣自天賚閱世興亡百千載傳觀遠勝顏高弓好  
事徵題到我輩我讀大雅一卣歌用以錫功功不磨書  
云卣曾用二卣拜手稽首休享多更有鳳卣藏天府兕  
卣義兼文與武癸卣乙卣裡六宗博引類難更僕數卣  
今紬繹卣中銘祝公眉壽延遐齡銘詞曰其眉壽子厥  
子孫孫永寶用  
有曾孫命曰卣嘉名肇錫貽芳型夏鼎商盤今在否古  
來璠璣幾不朽德門有慶天降祥置酒召賓酌大斗卣

今自今歷世長老彭雖老身康強願公子子孫孫永寶  
用留偕牙笏鎮書牀

感遇

浮萍本無根化為澤中芷  
芷小根未深萌芽泛綠水  
沈浮楚江中得藉芝蘭美  
我本萍浮人薦章付一紙  
九天雨露濃微草欣欣起  
賀客翩然來臣門忽如市  
權算愧無能多少徒比擬  
幸此三年中舊絲琴者理  
儲財裕度支終賴諸君子  
水部兩故人實事惟求是  
謂小宋方伯白英觀察  
虛懷屢垂詢不以芻蕘鄙  
涓滴期歸源深虞政務弛心

退補齋詩存卷五

十一

退補齋藏板

盟壺水清足凜薄冰履業業復兢兢撫衷益自恥願學  
無角駝努力奮兩耳

贈朱荻舫宗濤刺史

紫陽註論孟幽棲古壽山

山在永康之東雜吾家十五里

上書兜率臺

字蹟猶編爛余生千載下恨未親躋攀幸晤大賢裔  
宦游三楚間同舟事共濟晨夕時往還

時辦理釐局文案

大綱與

細目按部而就班判牘如掃葉旁午多餘閒公暇事吟

咏投詩窺豹斑

題贈八烈及晚游草諸篇

聰明淨冰雪落落超塵寰

我詩多枝蔓推敲親手刪我心有休戚痛癢交相關憐

我性情直防我身體孱勸我節勞瘁為我解謗訕羨君  
椿萱茂鬚髮白初頌而我失怙恃出涕徒潛潛羨君蘭  
桂榮繞膝花紅殷而我豚犬兒猷癡如石頑君子貴知  
命心盟鷗與鷗經濟豈不貴行艱言非艱相處三年久  
知君身痼瘵努力紹家學莫嗟時命慳君不見文公廟  
食配曾顏

題張海門學使躬厚堂詩集

我昔買舟游當湖君已通籍翔天衢逮我乘車赴燕市  
君復采風官湘水嘖嘖聲名日下馳文章學問誇當時

退補齋詩存卷五

十一

退補齋  
藏板

獨惜緣慳不得見至今耿耿空相思君之難弟曰鹿仙  
鄂渚同舟經幾年樽酒論文朝復暮袖出阿兄詩一編  
詩中字字陽春曲大絃小絃無急促古調獨彈誰與倫  
唐之謫仙宋玉局我讀別母聲嗚咽示弟諸詩尤切切  
孝友之心名教關至文至性兩不滅此外感懷贈答篇  
驅使意匠相雕鐫往往靈氣溢楮墨下視餘子皆浮煙  
詩學淵源本專家一枝健筆夢生花吟咏之餘工繪素  
墨梅萬樹月橫斜吁嗟乎人生遇合亦何奇慕君雖早  
見君遲生前未得逢君面死後猶幸讀君詩我今掩卷

三歎息落月屋梁渺顏色誰歟風雅起衰頽先生往矣  
徒追憶

畫石歌

一石墜地小於拳將毋鍊自媧皇年一石插天尖如筍  
除卻輞川寫難盡古來翰墨幾流傳此幅獨到秋毫巔  
三絕能兼縞瘦透淋漓揮灑工雕鐫朝暮陰晴極變態  
秋色蒼茫春粉黛妙筆傳神天外來四面玲瓏巧相對  
世路崎嶇人難行胸中磊磊多未平我讀斯畫懷泉石  
半生胡為塵網嬰欲借畫工一枝筆化險為夷傳妙術

退補齋詩存卷五

七

退補齋  
藏板

他山攻玉訂古交不辭煙霞成痼疾石兮石兮白粼粼  
卷不盈把磨不磷笑我癡情似米老呼兄但見點頭頻

題金子梅鈞都轉遺照兼以誌哀

人生到此空一世有影無聲似蟬蛻披圖令我心肝摧  
淒涼最是彌留際音容笑貌是耶非轉瞬生前流水逝  
憶從詞苑歷藩侯宦海一帆無濡滯清風明月不用錢  
白日忽來浮雲翳比年繫纜鄂江頭與我同舟期共濟

六年夏由黔過鄂遂餽居  
馬迨秋間聘請書局總校誰知二豎竟為災歷盡山川

受瘴癘秤藥量水媿真長世無和緩難調劑雙雙黃鶴



鳴且哀朝夕臨風悲灑涕楹下遺書讀者誰似續幸有  
螟蛉繼殞殮之時我身親俯仰生平如夢寐旅櫬痛君  
何日歸卜吉待向湖山瘞於今空見圖中人斗酒隻雞  
為位祭

自題紫藤仙館圖

屋烏幕燕無定居蚊巢蝸國綽有餘天地逆旅偶然耳  
何須廣廈歌渠渠憶昔丙寅四月夏我來鄂渚尋庭榭  
有屋一椽留燼餘不碍官居如傳舍中有園林清且幽  
雙藤盤屈挈龍蚪夏覆綠陰春破萼紫花倒挂如垂旒

退補齋詩存卷五

十四

退補齋  
藏板

間以耐寒柏雜以凌霄桐滴以芭蕉雨吹以楊柳風梅  
蘭竹菊四時備枝交藤架嵌玲瓏此外盆甕羅列不勝  
記瑤草琪花爭獻媚疊石為山山出泉一一天然工位

置東有仙樓凌太虛西有山房曰學書

館之東有樓為  
大仙樓西則學

書山房

一角亭邊日斜照自南池北巾箱儲

館之南一  
角亭池北

五間

有屋三間曰退補齋藏書  
處舊額曰牀上書連屋

左右闌干屈復曲濃陰罩地

鬚眉綠脫巾獨坐清風來飄飄欲仙雲中鵠藤兮藤兮  
歷世長柴桑五柳堪頡頏幾經兵燹歸然在高歌盤谷  
樂徜徉城市山林此為最好倩荆關為我繪出圖示客

徵題詞觴詠蘭亭續高會人生行樂須及時一官匏繫  
身羈縻未知明年在何處且留嘉樹貽來茲

退補齋詩存卷五

十五

退補齋  
藏板

退補齋詩存目錄

卷六

古體詩

荊州大隄行

碧血歌弔汪紉菴司馬殉節漢陽

宜昌水災篇

九月桂

月卿尚書招飲出寸園記見示因以命題為賦長

古一首

擬左記室詠史

冬至病起讀杜于皇文集

退補齋詩存目錄卷六

一  
藏板  
退補齋

冬至日誌感東何白英觀察

十一月初三日追悼亡室鄭夫人作

送壻許述卿東歸

和彭漁叟饋歲詩仍用東坡原韻并謝餅餌之餽

和白英觀察別歲守歲原韻

追薦先父母冥壽

辛未暮春生日自述

退補齋詩存卷六

古體詩

永康胡鳳丹月樵

荊州大隄行

城捍兵戈隄捍水隄互如城固於砥隄防乃與城防同  
 能守則生不則死荊州形勝雄崔嵬川源遠自岷峨來  
 噴雷滾雪日千里齧噬隄岸愁傾頽北岸之西四萬九  
 千丈北岸江陵監利二邑見湖廣通志隄防考畧幾費緡錢踰萬帑南岸之  
 隄五萬四千丈有餘南岸枝江松滋公安石首四邑詳見通志隄防考畧濱江如  
 帶環田廬自明迄今數百載過眼滄桑幾興廢修舉全

退補齋詩存卷六

一 退補齋藏板

資保障才下隰高原供灌溉我來鄂渚閱五秋年年鼓  
 浪騰洪流潯沔江漢禍尤烈天乎何酷民何尤民不怨  
 天咎在吏吏視民命如兒戲可憐吏飽民益飢上干天  
 譴降災異災異先當防未然力之所至人勝天桃花春  
 水尋常見瓠子秋風捍衛堅不然徒費黃金築旋築旋  
 決嗟顛覆臨變倉皇空補苴百萬生靈葬魚腹子壽比  
 部貽我書大隄岌岌成沮洳恭陳二公勤守護能救民  
 患安民居王子壽來書言荊州大隄幾潰苴振夔觀我察率同陳相浦太守募勇搶護幸免無虞  
 識斯隄高且厚百餘年來未潰口泰山遠勝冰山堅河

伯波臣羣退走水利水害紛無常要憑隻手瀾迴狂存  
亡呼吸一髮繫危如累卵安苞桑君不見鴟鴞鴟鴞徹  
桑土牖戶綢繆當未雨願祝瀾安民舉安莫待羊亡字  
始補

碧血歌弔汪絢蒼司馬殉節漢陽

一寸丹心一腔血耿耿精忠完大節雖無官守亦王臣  
獨以身殉氣何烈君昔讀書懷慨慷鄴架曹倉徧披閱  
家徒壁立窮益堅此腰恥為五斗折偶學駢儷追六朝  
華瞻直與士衡埒栖遲蓮幕年復年謹守廉隅慕前哲

退補齋詩存卷六

二

退補齋  
藏板

黃巾十萬湘中來重兵宜向巴陵設我謀不用可奈何  
封豕長蛇恣妖孽漢陽不守長城傾君有一言以死決  
罵賊疾呼聲徹天千秋不朽常山舌衣冠具葬招魂歸  
公殉節時罵賊賊怒肢骸俱毀公子  
蓮生司馬具生時衣冠招魂而葬尸無可裹腔猶熱

大府文章聞

九重絲綸褒卹恩無缺成仁取義古

所難如君不愧人中傑大別山高江水寒浩浩乾坤正  
氣結

宜昌水災篇

江水遠從岷山來出峽入楚喧如雷高陵大阜成澤國

嗷嗷鴻雁鳴聲哀，彘陵當衝枕江首。咫尺洪流臨戶牖，  
陽侯為虐蛟助之揚鬣。勢挾風濤走或云，發自枝江坳。  
倏忽震蕩聲喧呶，或云平善壩中起宜城。禍水紛相淆，  
戶口倉皇避崇麓。老者幼者足縮縮，哭聲震天不忍聞。  
淹斃慘於受屠戮，兵災甫脫水災生。人壽難俟黃河清，  
懷山襄陵今復見。誰恤民瘼心怛怛，維持全仗賢守牧。  
莫作尋常判斯牘，瘡痍滿目嗟其魚。能救一命造一福，  
造福勝造浮圖巔。人力所至天無權，水荒更比兵荒急。  
為民請命民可憐，吁嗟乎救災恤鄰本古道。夏潦淫霖  
常平倉

九月桂

廣寒深處花為宮，一輪香滿飄晴空。願月長圓花長好，  
年年八月秋方中。胡為節過重陽後，仙姿珊珊開笑口。  
如占歸妹佳期愆，如遲來客臨江久。問花今歲開何遲，  
三年一閏花先知。今年十月逢閏則九月猶八月也萬斛天香鬱不發，  
要與山萸籬菊同爭奇。君不見九月幽風築場圃，萬寶

告成擊田鼓今年江漢民游飢特飄金粟補倉庾又不  
見重九秋風放榜天千門走馬爭揮鞭造物成才不厭  
晚故留仙卉簪羣賢轉瞬陽春行有脚十月嶺梅花綽  
約與君參透木樨香更約消寒埽東閣

月卿尚書招飲出寸園記見示因以命題為賦長

古一首

我聞許州修竹園林寬二十餘畝紅闌干又聞隋氏芙  
蓉園最廣一十七里圍屏障下此一畝半畝園自古不  
聞以寸言尚書回里修庭宇講道論藝銘諸軒尚書自題堂額

退補齋詩存卷六

四 退補齋藏板

曰講道論藝之廬

旁有隙地詎寸許得寸何妨作別墅寸心不

學古平泉自有幽情足暢敘斯園雖小荆棘刪嵌空玲

瓏石為山碧梧翠竹相掩映四時花卉爭爛斑日坐齋

前事無事

園中前楹額曰事無事齋

方寸不櫻名與利寸管開成老

樹花不戀勳名戀文字文字吟哦推復敲晚香亭畔珠

玉拋

齋之東曰晚香亭

獨傲寒霜表寸抱黃花勁節標牆坳牆

下高軒拔地起以亞名之意有指

園之中楹曰亞字軒

形曰方外

義虛中素履不偏亦不倚軒窗面面臨欄開軒之西有步欄

欄一曲纏莓苔痕濃映鬚眉綠石骨森開蒼玉堆西廡

有卷石曰  
蒼玉堆

哲匠樓臺起寸地錫以佳名系以記寸丹不  
忘三朝恩泉石常懷廟廊志主人愛客門不關大  
開廣廈歡寒顏會見白雲起膚寸須臾霖雨膏塵寰

擬左記室詠史

巍巍赤帝子提劍開乾坤賤為泗上長貴為天子尊知  
人而善任國士聲騰喧如何淮陰醢弓烏鳴煩冤而翁  
且分羹烹狗胡足論單于故狼突月氏亦鯨吞治久亂  
自伏象教興沙門求書通天竺迎佛入中原勿譚功德  
果况乃貽禍根拂衣起視天耿耿星辰捫

退補齋詩存卷六

五

退補齋  
藏板

冬至病起讀杜于皇文集

忽聞風雨聲今乃冬至日伏枕不能寐手麻加諸膝醫  
云精血枯心性欠靜謐待旦呼婢僕盥洗厭巾櫛婢僕  
來偶遲往往遭呵叱我識氣傷肝不覺自口出靜坐屢  
構思未肯一時逸翻書得奇文杜子世無匹篇篇扶名  
教都為忠孝述自命學韓歐步趨早入室下筆超羣流  
有文兼有質如讀陳琳文能愈頭風疾不須覓刀圭沈  
疴霍然失自笑身猶膠終非養生術門外葭管吹雜以  
黃鐘律日短易蹉跎明朝線添一孤坐寂無人呵凍復



試筆工拙兩不知及時聊紀實

冬至日誌感東何白英觀察

年年冬至日冠帶修朝儀今逢佳節至抱病淹茅茨行  
年未半百筋力忽已衰去日且如此來日將奚為宦游  
楚江側五載供驅馳但求志氣伸那惜精神疲努力加  
餐飯一髮千鈞持有病不言病雖病猶能支忽然病加  
劇瘦鶴嗟離襪手足徧麻木舌本如啜醜宛然感風痺  
豈天俾我疾隔江有秦緩濟世稱良醫謂劉卓然謂我真陽  
敗診我元氣虧勸我節勞瘁諷我學兒嬉豈知我生苦

退補齋詩存卷六

六

退補齋  
藏板

一言難盡之父族並母族贈餽無已時妻族有老母號  
寒而啼飢兄弟皆拮据隻手撐門楣親友多遭難推食  
恤窮嫠一官如匏繫囊橐無餘貲既稟亦云厚債臺築  
纍纍相剪覺太急養生非所宜故人何水部藥石長箴  
規勗我不動心凡百付諸兒古來作家翁學龔復學癡  
補牢未為晚桑榆猶可追誓當銘肺腑酌以長生卮

十一月初三日追悼亡室鄭夫人作

夫人生於道光辛巳今年庚午距夫人之生五  
十年矣命子女設筵祭之

仲冬初三日嗟哉君生辰我年四十八君今已五旬幽  
明縱永隔夢寐仍時親回首結縵始相見敬如賓孝養  
事公姑無間昏與晨溫柔和睦姊姒嘻噶斂笑嘖井白君  
操作衣履君縫紉君才以德掩君德以養醇雖無婢與  
僕箕帚忘勞辛雖無紉與綺儉德聞比隣如何年卅六  
撒手拋紅塵大兒年十三次兒年四春四女呱呱泣齊  
聲喚母頻空房我心怯子然留一身身外子與女日日  
蹙眉顰悼亡十四年年傷我神是仙還是佛當已早  
轉輪世俗重冥壽其說非無因我今命子女肴核几席

退補齋詩存卷六

七

退補齋  
藏板

陳紙灰飛蝴蝶權用充冥緡我言君試聽且勿淚沾巾  
二子讀詩書我已誨諄諄二婦守閨訓及笄各完姻四  
女皆婚配絲蘿締晉秦兩孫頗聰明如獲席上珍繼室  
與側室螽斯咏振振君德我未報我言君莫瞋生前未  
享福歿後邀龍綸酌酒告君知誥命曰夫人

送壻許述卿東歸

東牀有快壻桑梓聯絲蘿謬採冰人言殷殷來執柯汝

父昔主講虎林生徒多我年逾弱冠朝夕相琢磨

余肄業粵文書院吉  
齋親家時主講席 倏忽廿三載歲月飛如梭老鳳歸

丹山雛鳳聲鳴和新歡結秦晉佳期彌月過

述卿官奉化訓導冬

月來楚

告我乘槎去豪凌江海波曠官恐貽誚職守蠻

牆我懷安名必敗敢操子犯戈我今遠送別私好非敢  
阿莫道廣文冷須躋賢聖科儲材毓芹藻造士賡菁莪  
仕優濟以學共窗勤切磋我女守閨訓荆布厭綺羅同  
心比林鳥並蒂如池荷百年永偕老靜好期無訛雞鳴  
互戒旦努力防蹉跎我年將半百抱病日未瘥汝去女  
留侍藉以扶沈疴述卿先歸約明春後迎接眷屬餞汝一樽酒聽我三  
疊歌老淚豈不惜其奈情長何

退補齋詩存卷六

八

退補齋藏板

和彭漁叟饋歲詩仍用東坡原韻並謝餅餌之餽

牢九登盤香歲事雅相佐俾來前致辭為禮不以貨嗟

我抱採薪兀坐愁城大呻吟朝廢餐夜半不能卧一味

輒分甘兒童半繞座媿無諸葛才索筆賦能磨漢書諸葛恪對

蜀使食餅索筆作磨賦一病經四旬杜門省吾過聞君祭詩忙曲

高惜寡和

和白英觀察別歲守歲原韻

何丈白英因漁帆廉訪先有饋歲詩屬和次韻

奉答續唱別歲守歲二詩仍步東坡原韻並索

和章賦此酬之

往年別歲速今年別歲遲黃楊雖厄閏補牢羊可追一  
年復一年萍泛楚江涯留歲歲不住此別無已時異鄉  
非不好奈少菹鱸肥行年將半百老大吁可悲別我爾  
何往問歲歲無辭酒酣拔劍舞莫便雄心衰

養病日枯坐情性懶於蛇愁聽風雨聲當戶簾幙遮小病

每過風寒益覺疲倦欲寐不成寐數問夜如何屠蘇飲欲醉爆竹

千門譁寒梅漏芳訊羯鼓連番搗有花直須折起弄枝

橫斜時乎惜不再努力防蹉跎杜門謝賓客偷閒聊自

退補齋詩存卷六

九

退補齋藏板

誇因病轉假十日

追薦先父母冥壽

二月十四花朝春我父母同生辰父歿於今十八載

母亦十載離紅塵父歿於咸豐四年七月十八歲母歿於同治元年八月十二歲二月十四

日同月回憶少壯侍親側思欲報德終罔極蹉跎歲月

同日生近知非余今年四十九一官萍泛楚江北我居異地瞻白雲白

雲縹緲空氤氳想像音容杳何許愾無所見憫無聞嗟

嗟吾父與吾母萬石家風敦孝友陰德耳鳴世所希聲

稱嘖嘖播人口不愛膏腴愛士林振興文教輕黃金割

取腴田植芹藻泮宮噉噉驚音

道光乙未先大夫助田一百六十餘畝為

合邑文童永遠卷資並建義塾曰培文書院俾寒士咸資講習

梓里同居三百戶有糧

無產難悉數代民納租官不知那畏苛政猛於虎

道光丙戌

歲飢貧戶迫於催科先大夫代完租糧其有糧無產者歸入己戶永遠代完

偶遇荒年僅與

饑餓者以食寒以衣通券萬金視如土一炬焚之信手

揮

先大夫易質時示諸子曰吾貸於人約萬餘金貧者居多命悉焚之

紛紛善事不勝記

綜計生平惟好義膝下兒曹有七人孫曾林立二十四

愧我無能致顯揚年華老大徒悲傷永日思親九泉隔

敢誇表墓光瀧岡為招禪侶禮經懺大慈大悲聽清梵

退補齋詩存卷六

十

退補齋藏板

寓東正覺寺初開叢林招禪侶誦大悲懺

慨念親心即佛心貽謀留為子孫

鑑吁嗟乎珍錯羅列盈几筵祭豐孰若逮生前杯酒酌

地親何在摩抄手澤心拳拳讀罷蓼莪淚盈紙無父無

母何怙恃世俗冥壽非無因靈爽庶其歆祀

辛未暮春生日自述

我年四十九無聞吁可悲來日漸苦少去日焉能追回

憶我生始癸未春暮時吾父與吾母教育嚴兼慈大母

時健在顧我親舍飴三歲識之無秉性良不癡四歲就

外傳養正蒙初基日讀二十行行行無參差五歲至十

歲執經能問疑十一學為文餘事及詩詞長老頗見許  
遠到謬相期十三應童試酣戰颯英姿前茅一再列欲  
奪騷壇旗十四至十六三年園不窺朝承鯉庭訓夕奉

熊丸貽大母春秋高日薄西山陸愛孫如愛子盼我光

門楣弱冠氣尤壯提筆窄四維迨至二十三誤中博浪

椎道光乙巳院試錄取侑生第一亦越歲丁未穎脫囊中錐翩翩兩弱

弟同日青衿披是年六弟鳳岡八弟鳳鳴同入邑庠己酉入精舍見賞吳

宗師己酉吳崧甫宗師拔取古學送入詒經精舍壬子館暨陽抗顏擁皋比

弟子六七人問字爭趨帷却慙戰屢北秋風酸棘籬咸

退補齋詩存卷六

十一 退補齋藏板

豐甲寅夏父兮魂騎箕讀禮歷三載杜門學伏雌丙辰

走京華分部官選司素餐日夕凜青眼公卿垂庚申歲

八月沟沟來外夷奉 詔防都城投筆事戎麾兵食

勦飛挽四載軍無飢泊乎撫局定仰荷 皇恩施頭

銜二千石幸免爛羊嗤况復多衣燦好爵與爾縻彈冠

晉三品 九天雨露滋癸亥違家難母病嗟垂危抽

簪恨不早凶訃中途馳歸來撫棺慟痛絕金萱萎諸弟

殉國難孤寡留孑遺養生與祭葬舍我誰肩仔八烈荷

旌表煌煌建專祠乙丑出門去言旋皖水涯皖水

苦征戰溝壑填殘屍為尋大阮骨厯盡途險巖竭來南

陵道土埋珠牟尼

檢骨時得殉葬牟尼珠

招魂立華表歸葬桃溪

涓從此若敖鬼庶其無餒而丙寅來鄂渚辱荷南豐知

理財急當務捧檄心兢持但求會計當違恤精力疲素

心何水部同舟周四碁

何大白英同局四載深得教益

和衷誓共濟風

月談無私所以韋絃佩緩急交相資丁卯創書局讐校

勞如絲別風與淮雨未許差毫釐幸有張茂先腹笥極

瑰奇疑義共參析誠信不吾欺

張君鹿仙同事書局五載

金華理學

藪著作光陸離劫餘半散失搜羅付剞劂

重刻金華先哲遺書已得

退補齋詩存卷六

十三

退補齋藏板

四十餘種退食有餘暇往往耽吟詩長篇與短句所媿多瑕

疵我有書畫癖珍藏如鼎彝我有慈悲念熒獨哀孤嫠

我性頗好客言笑錯履綦我口喜談佛功德宏須彌

重修正覺寺將書局刊刻板籍度藏其中

自笑塵中吏不如林下緇且敘天

倫樂用慰旅客羈內助有荆妻執櫛有二姬膝下有四

子書田勤畬菑七女半婚嫁能守閨門規堂前兩子婦

勞新朝暮炊兩孫頗聰慧諄諄戒游嬉得此吾願足意

愜神亦怡及時且行樂富貴亦奚為際此清和候藤花

帶雨欹我歌聊自祝我壽未介眉行年纔半百筋力日





退補齋詩存目錄

卷七

古體詩

樵野廉訪次李義山偶成轉韻七十二句原韻賦  
贈龔藹人觀察袖出見示余傲其體依韻奉和

養園歌

復園古柏歌上張月卿尚書

辛未五月五日至天涼如秋舊病復作有懷漁  
帆白英鹿仙諸公作此代東

退補齋詩存目錄卷七

一  
退補齋  
藏板

題祝菊舫參軍雲帆滄海圖

題江夏曾達周主政慈航歸慶圖

林穎叔方伯自秦過鄂以華山游草見示因贈以

詩即用集中終南山中寄問謝枚如舍人原韻

夏日登彭氏讀書樓漫興柬漁叟

題穎叔方伯海山紀夢圖

次韻述情答穎叔八首 襍災行

秋夜感懷上穎叔步董硯樵觀察贈王顧齋駕部

原韻



退補齋詩存卷七

古體詩

永康胡鳳丹月樵

樵野廉訪次李義山偶成轉韻七十二句原韻賦

贈龔鵠人觀察袖出見示余倣其體依韻奉和

同治己未來楚澤風塵猶帶戎衣色少年愛讀留侯書  
從軍久作山東客山東枳棘栖文鸞馳驅王事勤征鞍  
帷幄運籌宏遠畧新筠氣節青琅玕氣節如君異游俠  
華胄珥貂徽累葉襟懷瀟灑濠濮魚神機變化漆園蝶  
大府知君列薦章殊勳偉烈稱煌煌古來知己不易遇

退補齋詩存卷七

一

退補齋  
藏板

材大堪為國棟梁為棟為梁天子宰君身早已藏器待  
不揮塵尾碎唾壺超出江東王謝輩趨蹌劍佩我雄冠  
生才容易用才難剪燭西窗論往事更鼓頻催星斗闌  
起我沈疴贈紫桂去冬余病贈紫肉桂一枝良朋關愛如兄弟君才

爛熳豔於花我身落拓棄如薺連年鄂渚歌停雲讀君

雅什超同羣秋潭皎潔印寒月晚霞綺麗烘斜曛臨池

高築紫方館

清異錄歐陽通號硯室曰紫方館

筆力千鈞如挾彈銀鈞

鐵畫羞時趨日與漢魏古人伴琴聲嫋嫋來薰風志在

高山流水中世少知音領妙趣孤鴻天末飛忽忽撫絃

初罷別高下疎簾清簟飛野馬忽聞棋聲深院敲一枰  
未了子盈把如君不為天地囚繪聲繪影消閒愁胸中  
別具邱壑勝咫尺萬里隘九州此皆餘事微茫外壯歲  
聲名溢四海頻磨盾墨修軍書匡時自有經濟在我思  
歸釣子陵臺舟泊臺前不復開綠水青山恣吟嘯時與  
閒鷗相往來當今惟有張侯勇名望端推一時重霞蔚  
雲蒸起壯圖人中之龍文中鳳忘年古誼追張裴自慚  
樗櫟終無才借病栽花埽三徑蓬門今始為君開小園  
凡卉何足數鶯燕聊堪當歌舞對月坐花笑寓公傀儡

退補齋詩存卷七

二

退補齋  
藏板

難消拔劍弩羨君強仕是當年世變茫茫資翰旋嗤余  
一个毛錐子曰校羣經夜校史

近校七經五  
代史等書

養園歌

彭漁叟自滇解組歸鄂恆以詩酒自娛其子器  
之觀察構園養志漁叟名曰養園賦此奉贈

居不必厦屋萬間廣但庇數椽便心賞游不必金谷誇  
繁華但有小圃堪栽花我友老彭早致仕膝下象賢欣  
有子祇因親在戒遠遊不戀岷山歸楚水楚水歸來蘭  
正開薄言采采循南陔南陔孝子絜羞養敢教瓶罄嗟

維壘瓶罍侍膳不遑寐葆素堂西拓隙地養園在葆素堂之西半

郊半郭工經營一壑一邱巧位置位置妥帖本天然淨

無可唾刪塵緣酒琖吟瓢座常滿逍遙杖履古神仙

人自作養園記攤牋揮洒硬黃字雛鳳聲同老鳳清肯

構肯堂善繼志迤南小苑晴牽蘿屋小於舟無風波園之

南有屋一楹顏曰無風波處花陰月影皎如晝晚來好景南薰多自

南而北開別墅餐桂軒前酌桂醕五株遠自燕山移作

善降祥天所予園之北建屋三間曰餐桂軒種五桂於階前芬芳可掬東廊屈曲

迴闌干牆嵌碑版何爛編東廊檐下嵌古墨蹟於壁間滿架圖書結

退補齋詩存卷七

三 退補齋藏板

夙好四時花木聯新歡階前更有桐陰綠倚樹彈琴聲

夏玉東階畔新栽梧桐以蔽朝陽縹緲蓬壺日月長得此菟裘老亦

足太邱父子名同高與我互訂忘年交登堂願伴老萊

舞祝公壽考傾醇醪

復園古柏歌上張月卿尚書

寸園結構嘆觀止又見復園空中起復園主人初歸來

手闢荆榛覓故址故址舊是誰園林千萬買宅輕黃金

鳩工締造成不日一邱一壑費匠心我聞斯園三易主

世變滄桑難悉數明月清風誰與鄰有柏參天歲月古

柏兮柏兮如虬蟠銅柯鐵幹棲鳳鸞飽盡風霜與冰雪  
獨標勁節凌冬寒天留此物作梁棟常共杵幹充邦貢  
盤根錯節年復年良材早入帝后夢君不見老君堂前  
枯回春東南發幹生聖人又不見仲寶自幼彰佳器材  
堪宰相早位置况復庭畔植三槐芝蘭玉樹羅庭階不  
隨桃李鬪芳豔惟有青松千歲偕我游斯園紀名蹟滿  
眼亭臺燦金碧抽毫為賦嘉樹篇不羨諸葛祠前二千  
尺

辛未五月五日夏至天涼如秋舊病復作有懷漁

退補齋詩存卷七

四

退補齋  
藏板

帆白英鹿仙諸公作此代東

北風颯至披襟當須臾炎夏成秋涼反暖為寒幻莫測  
雖雨不暑晴不暘歲歲端陽苦炎熱况兼夏至逢佳節  
胡為五月尚披裘不著輕羅疊香雪此蓋天公用意深  
不許趨炎負素心千金一味清涼散能教病客消煩襟  
我來鄂渚忽六載貪看龍舟頻逐隊今日杜門為養疴  
歲未云秋肺先痲吁嗟吾病年復年買藥費盡牀頭錢  
若使參苓能卻病世間何客不神仙陰勝格陽寒氣盛  
無端夏日行秋令誰知花木爭芬芳艾綠榴紅相掩映

天心變化紛難知寒暄世態隨時移三壽作朋天與健  
憶否秋前蒲柳姿

題祝菊舫應燾參軍雲帆滄海圖

憶昔津門鼓棹回驚濤駭浪喧如雷生平足跡半天下  
茲游奇絕心為開所惜神山可望不可即至今夢繞壺  
嶠兼蓬萊自從雲水光中雙眼洗俯視六合皆泥滓忽  
披此圖詫偉觀如逢舊游為狂喜大瀛中央誰泛宅太  
原參軍釣鼇客揚帆徑欲探星源天雞一聲東方白旭  
日初升半在水瞳矐漸見金烏起金烏擘翅搏桑開但  
見幻出萬重之樓千重市吁嗟乎宦海波濤蕩坤軸人  
生如寄渺一粟祇有參軍懷抱海樣寬坐看魚龍百變  
無拘束安瀾順軌逢清時鯤鵬齊奮翔天池趁此風利  
不得泊扶搖萬里為君期

題江夏曾達周繼志主政慈航歸慶圖

我讀白華詩孝子戒以養人子各有親罔極恩難忘顯  
揚冀美名宦途競趨向人苟忝所生何必將與相我友  
曾達周持躬事高尚堂上萱蔭濃蘭桂亦競放念君周  
晬時大阮歿甫葬叔母涕連連孤鴻含悽愴君繼仲父

退補齋詩存卷七

五 退補齋  
藏板

後有子宗能亢三十九年中嗣母苦難狀教育恩兼施

幸有慈闈仗君適歌鹿鳴乘風快破浪咸豐辛亥君登賢書詎意

名初成嗣母忽悼喪嗣母黃太恭人癸丑仙逝從此事生母生母張太恭人

君年方盛壯一官居京華農曹資守藏君官戶部歷十餘載長安

不易居凡百勞拊擋母曰胡不歸及我身無恙桑梓安

可離江漢水浩蕩奉命泛慈航同治己巳秋迎奉板輿回里一帆春

風颺人生七十稀况已八旬上嗟我不如君陟屺失所

望匏繫楚江濱未敢言高曠羨君早抽簪迹與巢由抗

至樂惟天倫君己如願償待我登華堂酌獻松花釀觴

退補齋詩存卷七

六 退補齋藏板

飛玳瑁筵屏開芙蓉障百歲徵期頤壽母祝無量

林穎叔壽圖方伯自秦過鄂以華山游草見示因

贈以詩即用集中終南山中寄問謝枚如舍人

原韻

讀君華山紀游句絕後空前推獨步開拓心胸豁雲霧

乾坤闔闢雙呈露何當把臂陳希夷騎驢同向山中住

中條山色開終南松濤萬壑晴生寒此境人間那得有

誰從天外攜筇探况復際會風雲間清班顯要儕鸞鸞

心懸霄漢披忠肝煙霞雖好烏能餐憶昔見君水部宅



咸豐間供職兵曹晤君於何小宋中丞宅

神羊一角

我高冠

君時官御史巡視東城

公

餘聯襪登吟壇清風明月門不關斗酒十千恣歡謔胡

為雙鬢俄成斑吁嗟人生離別多或成喬木卑松蘿謂

樸山何小宋兩中丞

或歸黃壤埋青莎

謂貢荆山方伯陸眉生侍御

惟公七載

官洮河豐功偉業高岐嶓陳情歸養恨不早卧轍偏來

秦父老獨肩王事忘賢勞偷閒便上華山道一上華山

詩思開滿篋珠璣載寶回因君翻笑昌黎怯登山未半

歸乎來

夏日登彭氏讀書樓漫興柬漁叟

退補齋詩存卷七

七

退補齋藏板

樓中主人今詩伯豪氣元龍高百尺昂頭四顧天地窄

舉手欲把星辰摘我來登樓瞻四方軒窗面面迎風涼

赤日行天不知午快哉便欲披襟當樓中何所儲一枝

健筆萬卷書樓外何所見山如屏幃江如練更有鳳凰

峙其東

鳳凰山在武勝門東

銅鉦朝挂金烏紅又有鸚鵡繞其西

洲前芳草何萋萋北望白雲最深處

樓前有白雲深處道觀

白雲

悠悠朝復暮黃鶴南飛左右顧樓頭常伴仙人住仙人

愛客門不關深山猿鶴相往還有時笑傲招吟侶風清

月白塵緣刪吁嗟乎人生如寄須行樂宦海茫茫難插

脚惟公俯視富貴如浮雲讀古人書得所託况有不速  
客來慰寂寞何必振衣乎黃鶴之樓躡屩乎晴川之閣  
題穎叔方伯海山紀夢圖

海天一夕秋風起神馬尻輪行萬里眼中無恙鄂州山

昔日夢游今到此江城縹緲江樓開我喚黃鶴馱君來

梅花玉笛不解唱謫仙以後無仙才仙才墮落風塵久

猶憶燕臺共杯酒卽今落拓四十年

君今年五十  
夢時纔十齡

淚痕

愁溼青門柳清虛宮闕波迴環下見綠鬢凋朱顏人間

萬事且撥棄扁舟載與孤雲還孤雲南還不肯住大別

退補齋詩存卷七

八

退補齋  
藏板

山橫捲煙霧霜信漸看黃葉多離心已逐白鷗去我留  
楚澤歌越吟往事盧生枕上尋此時夢覺寺鐘曉他夜  
月明煙水深

次韻述情答穎叔

穎叔方伯寓居江夏朝夕往還見贈五古八章

以旣見君子我心則喜為韻展誦再三感慚交

集遂步原韻奉答

招懷兼興復君其古張旣關右勞驅馳淡泊忘世味國  
事肩一身豪哉元龍氣竟日接光風滌我塵土胃

朝夕聆緒論寸心彌兢戰經濟與文章精金厯百鍊契  
閨十星霜故人今復見所愧雙鬢斑輸君健談讌

君愛秦關月我愛鄂渚雲時與何水部謂小宋中丞靡日不

思君緬懷仁孝性懿德良足薰宣尼不射宿吳猛不驅

蚊

我病日思隱欲學鴟夷子葆茲徑寸莖常恐從風靡欣

覩松柏柯濃蔭得所倚風好匪阿私庶以植根柢

非魚馬知魚非我竟知我貧中自有樂賜也始言可日

暮開三徑門前風雨鎖昨晚子壽太史來寓約君納涼適為風雨所阻隔院聽

退補齋詩存卷七

九 退補齋藏板

繙經魚唄聲瑣瑣

萍蓬千里合江漢隨浮沈夜雨攪孤枕急響如繁砧挑

燈起覓句瓦缶無清音牢愁傾百斛知己諒余心

我詩猶邾莒附庸不成國何幸行玉山得遇裴叔則多

君披泥沙燕石增顏色想見運斤忙下筆同蠶食舊作請君

為刪定

自笑非晏嬰卑居頗近市彼美東家隣莫逆時相視日

聞大雅音仙樂洗塵耳請君告以過願學仲由喜

穰災行

六月初五火星見舉室倉皇夜驚變自誓臣門如水清  
從不趨炎禍胡煽諠諠出出聲喧譁火起厨薪紅似霞  
延燒竟有燎原勢其光熊熊如散花我適欲眠眠忽起  
呼僮忙汲井中水東北有風幸不狂風忽息兮火忽止  
此時此境險已極火不通天爭咫尺寢廬祇隔一堵牆  
煙燄迷濛滿室黑祝融祝融不我災我今驚定心猶摧  
若非天心默呵護須臾樓閣成枯灰君不見禍兮福所  
歸福兮禍所倚從來禍福本無門思患豫防害乃弭往  
不可諫來可追死灰復燃仍堪危急修人事禳天變滅

退補齋詩存卷七

十

退補齋  
藏板

卻心頭火起時

秋夜感懷上穎叔步董硯樵觀察贈王顧齋駕部

原韻

星月涼於水照耀同此心蟋蟀應候鳴淒切流繁音感  
余不成寐書帖翫來禽以我金石交至言傾胸襟相隨  
日未久相知意彌深檢詩倒行篋持贈古與今

君於行  
篋中出

李選孟東野詩及硯  
樵山房詩集見贈

準繩得私淑翦燭耽謳吟祇恨病

魔擾秋風塵事侵

和穎叔七夕雨中見過詩仍疊前韻

銀潢水倒瀉愁生織女心佳期阻靈雨烏鵲聞無音剝  
啄誰叩門子向我為禽雄談驚俗耳高誼豁塵襟欲濟  
久無梁江漢褰以深溺流誤在昔鼓舵歡自今西風不  
貸人催使寒蛩吟敗葉夜索索奈此百籟侵

話雨篇

秋日穎翁先過寓齋鹿翁後至未申間大雨滂  
沱溢於衢巷卽賦是篇以最難風雨故人來為  
韻呈穎叔並簡鹿仙

幽居無佳想讀書樂為最舊雨翩然來清光滌塵盞君

退補齋詩存卷七

士

退補齋  
藏板

懷湖海吞心小膽彌大富貴亦何物浮雲香天外

漏天日作雨咫尺行路難涼風吹木末脫葉下雕闌同

心二三子抗言敦古歡理愜意莫逆仰視天宇寬

不作欺人語本色真英雄侃侃聽危論昭然發羣蒙家

山各千里羈栖同巷中

三人同寓北  
城後府街

願言共昕夕坐我

以春風

蒼松不知寒修竹不受暑寒暑兩相忘握手傾肺腑有  
客天為留簷端飛急雨雞鳴咏風詩照人顏色古

交道貴全真周旋徒世故人生幾相知百年不一遇迷

途煩導引末光容依附拳拳一寸心安得黃金鑄  
嘆我年半百僕僕走風塵動與時俗違貌執匪情親譬  
彼素心花祇對素心人故山一回首徒為猿鶴嘖  
君病我亦病三徑久未開呼僮埽塵榻好風吹君來深  
談相爾汝脫畧忘形骸雨霽各分袂隔牆暮鐘催

讀黃鶴山人少作題後

穎叔別號黃鶴山人

詩家紛紛學韓杜西抹東塗嗤畫虎偉哉吾友詩中豪  
直上堂階窺牖戶解組比自秦中來滿船飽載珠璣回  
高山喬嶽悉包孕洪濤巨浪掀天開誦君詩聽君說舊

退補齋詩存卷七

十一

退補齋  
藏板

學商量愈邃絕耽吟自昔嗜昌黎發言要撝小儒舌笑  
示髻齡詩一編讀之一字一擊節磅礴如吟石鼓歌五  
光十色精金磨離奇如送盤谷子龍蛇夭矯伏又起肫  
摯如作示兒篇至情勃發何拳拳感慨如賦秋懷咏硬  
語盤空天骨勁金眸玉爪材非凡天馬行空脫羈銜令  
我百回讀不厭胸中茅塞憑鋤芟嗟君少作已如此中  
晚之年可知矣於菟氣早吞金牛目空一世無餘子我  
亦綺年操翰牘刻鵠不成恥類鶩未審荒寒老孟郊雲  
龍可許相追逐

中元日有感

蕭蕭落葉喧江村涼宵兀坐愁黃昏家山回首八年別  
蒼茫煙水秋無痕他鄉又遇中元節輕颼吹雨聲悽絕  
幻夢驚回蝴蝶魂淚痕染作杜鵑血九原何處問庭幃  
仰視白雲天際飛白雲悠悠去不返思親灑淚頻沾衣  
世俗紛紛重冥祀我亦堂前設筵几幽明一理精誠通  
豈隔越山與楚水吁嗟乎親在未獲烏私伸親歿猶作  
羈棲人北馬南船苦無暇轉瞬年華五十春五十年華  
嘆虛度顯揚未遂迫遲暮怕讀孟郊游子吟空懷王祭

退補齋詩存卷七

十三

退補齋  
藏板

登樓賦

穎叔約張鹿仙劉魯汀陳伯雙及余游黃鶴樓時  
將南歸行有日矣作此贈別

憶昔黃鶴馱君來江城五月梅花開今日黃鶴送君去  
漢水湯湯流不住瀕行招我登高樓白蘋風起寥天秋  
烟波浩渺莽無極乾坤俯仰生閒愁帆檣來去紛如織  
對此難為樓上客浮鷗空有萬里心飄泊為家歸不得  
看君指日乘長風吳淞東下何匆匆應須飽繫念吾黨  
毋使目斷南飛鴻呼僮煮茶沁肺腑清談不辨誰賓主

坐中忽見斜陽頽天上何時德星聚君不見大別山小別山山前柳色青可憐物猶如此不忍別為君高詠河梁篇

讀彭漁帆東南游跡詩冊

人咸愛公詩我獨愛公游公詩在古猶有偶公游曠古真無傳人生少壯腰脚健匣劍囊琴書驢券如公今已屆稀齡竟歷東南償夙願番舶直破長江行鐵輪捲出風濤聲晝夜不息走千里兩日竟抵維揚城維揚東下溧陽道

君祖居溧陽

異鄉孰若故鄉好遠離桑梓三十春絕

退補齋詩存卷七

十四

退補齋藏板

少當時諸父老紛紛子姓前致辭痛談往事聲含悲城郭猶是人民非先人墓草何離離公攜幼稚同埽墓出城不辨舊行路華表屹然封樹青始知祖德根柢固言辭故里游金閨虎阜繁華今已荒一宿再宿留不住急催雙槳來餘杭餘杭勝境非前時白蘇仙吏留荒祠雙隄桃柳今何在祇剩孤山梅一枝疊遭兵燹罹鋒鏑金碧樓臺成瓦礫湖山太息公來遲寂寞殘陽映蘆荻留題到處紀新詩吟情千載描霜鬚芒鞋竹杖不知倦行地神仙信有之歸來挑燈話連夕一笑語公浮大白還



祝錢鏗續後遊行看塞破屋子皆詩冊

次舒文泉廣文約同人寒夜聽曉僧彈琴原韻

大絃小絃音琤琤隔院微聞挑撥聲愧我無緣洗塵耳  
誰知東野以詩鳴新詞擲地戛金玉且拋琴譜留閒評  
我聞流水高山各有志惟恐琴心不如詩思清圍爐榻  
杻銷長夜趁此輝流蟾窟精聳肩擁鼻弄柔翰遙天忽  
聞鴻雁征諸君校錄寓梵宇佛燈遙對書燈明嗟余塵  
俗不可埽下筆何語人能驚冰絃儻許鐵笛和盆梅相  
對粵寒英寄語吟壇聽琴客我亦澹無軒冕情

退補齋詩存卷七

十五

退補齋  
藏板

和舒文泉邀同人月下再聽曉僧彈琴

皎月冷於水策策寒林鳴兀坐擁殘書燈光耿孤檠有  
聲牆外來其音淒以清借問彈者誰聽之心怦怦那識  
知音子結伴緇林行詩心雜琴心落筆風雨驚一再我  
無緣難洗紅塵纓爨下有焦桐猶留千載名况遇鍾子  
期賞識尤非輕欲領絃外趣毫素傳深情夜闌佇涼月  
不覺東方明

